

دیل حقیقده آذربایجان میلی حؤکومتی نین قراری

خلقیمیزی دؤولت دستگاهینا یاخینلاشدیرماق و عمومون احتیاجاتینی ساده بیر صورتده آنلاماق و همچنین میلی دیلی و میلی مدنیتی میزین ترقی و تکامل یوللارینی تمیزلемеک اوچون آذربایجان میلی حؤکومتی اؤزونون ۱۶- دئی تاریخی جلسه سینده آشاغیداکی قراری قبول ائتمیشدیر.

۱ - بوگوندن اعتیبارن آذربایجاندا، آذربایجان دیلی رسمی دؤولت دیلی حساب اولونور. دؤولتین قرارلاری و رسمی اعلانلار، همچنین خلق قوشونلاری حیصه لرینه وئریلن فرمانلار و قانون لایحه لری مطلقن آذربایجان دیلینده یازیلما لیدیر.

۲ - بوتون ایداره لر (دؤولتی، میلی، تیجارتی و ایجتیماعی) اؤز ایشلرینی آذربایجان دیلینده یازماغا مجبور دورلار. بو دیلده یازیلما یان دفتر و مداریک رسمی حساب اولونما یا جا قیدیر.

۳ - محکمه لرده ایشلرین جریانی تمامی ایله آذربایجان دیلینده آپاریلما لی و بو دیلی بیلمه ینلر اوچون موترجم تعین اولونما لیدیر.

۴ - آذربایجانین بوتون ایداره، موسیسه و تیجارتخانالاری نین تابلولاری مطلقن آذربایجان دیلینده یازیلما لیدیر.

۵ - رسمی ایجلاسار و یغینجاقلاردا، سوخنرانلیق و موذاکیره آذربایجان دیلینده اولما لیدیر.

۶ - آذربایجانلی اولما ییب باشقا دیل ایله دانیشانلار و عمومی دؤولتی ایداره لرده خیدمت ائدنلر آذربایجان دیلی ایله یازیب - اوخوما غی و دانیشما غی اؤیره نملیدیرلر.

۷- ماعاریف و یزارتی ایداره مامورلارینی آذربایجان دیلی ایله آشینا ائتمک مقصدی ایله آیری دیلردن سوای، اونلار اوچون ایداره لرین جنینده بؤیوکلر اوچون مخصوص کیلاسار آچما لیدیر. بو کیلاساردا حاضر اولانلارین ایش مودتی بیر ساعات آزما لیدیر.

۸ - آذربایجاندا یاشایان باشقا میلتلر اؤز ایشلرینی اؤز آنا دیلرینده آپارما غا حقلیدیرلر. لئکن اونلار اؤز رسمی اعلانلاری و یازیلاریندا اؤز میلی دیللی ایله برابر آذربایجان دیلینی، رسمی دؤولتی دیل اولراق، ایشلتمه لیدیرلر.

۹ - آذربایجاندا یاشایان خیردا میلتلرین خصوصی میلی مکتبلرینده کی تعلیم اؤز آنا دیلرینده اولدوغو حالدا، آذربایجان دیلی نین ده تدریسی مجبوریدیر.

۱۰ - آذربایجان میلی حؤکومتی ماعاریف وزیرین مکتبلرده درس لرین آذربایجان دیلینده اولماسی حقیقده کی قرارینی تصویب و تایید ائدیپ، مدرسه لرین میلی دیله کئچمه سینی بوتون موعلیم و موعلیمه لره بیر میلی وظیفه کیمی تاپشیریر.

آذربایجان میلی دؤولتی نین باش وزیر ی «پیشه وری»

تبریزده آذربایجان دؤولت دارولفونونو تشکیلی حقینده آذربایجان میلی حؤکومتی نین قراری

میلیمیزین آرزولارینی و آذربایجان میلی کونقرهسی نین قرارلارینی نظره آلیب میلی و مدنی ترقیمیزی تامین ائتمک اوچون آذربایجان میلی حؤکومتی اوزوموزه گلن درس ایلیندن وطنیمیزین مرکزی تبریز شهرینده آذربایجان دؤولت دارولفونونو تشکیلینی ضروری سایدیغی اوچون آشاغیداکی قراری قبول ائدیر.

۱- آذربایجانین معاریف و یزارتی، دارولفونونو تشکیلی اوچون لازیم اولان بودجهنی تنظیم ائدیب بیر آیا قدر هئیات دؤولته تقدیم ائتسین.

۲- آذربایجان دؤولت دارولفونونو هله لیک اوچ فاکولته دن عیبارت اولمالیدیر. (۱- طب فاکولته سی، ۲- فلاح فاکولته سی، ۳- پداقوژی فاکولته سی، کی، بودا تاریخ و دیل، ادبیات، فلسفه، حقوق، ریاضیات شؤعبه لریندن تشکیل تاپمالیدیر.

۳- معاریف و یزارتی اون گونون مودتینده آذربایجان دارولفونونو اوچون لازیم اولان بینانی سئچیب هئیات دؤولته ایطیلاع وئرمه لیدیر.

۴- آذربایجان معاریف و یزارتی ایندی دن دارولفونونو اوستادلار هئیاتینی سئچمگه و دارولفونون اوچون آذربایجان دیلینده علمی وسایط حاضرلاماغا باشلامالیدیر.

آذربایجان میلی حؤکومتی نین باش وزیر ی «پیشهوری»